



Møtebok

for

Råd for menneske med nedsett funksjonsevne

Møtedato: 30.04.2018
Møtested: Kommunestyresalen
Møtetid: 10.00

Møtedeltakarar	Parti	Rolle
Jannicke Helland		Utvalseiar
Johannes Kolås		Medlem
Berly Hella		Medlem
Anna Hella Kartveit		Medlem
Morgan Taule	AP	Varamedlem

Forfall	Parti	Møtande varamedlem
Mai-Liss Sylta Møn	U	
May Britt Vågenes Gjerde	SP	

Andre møtande: Kommunalsjef Grete Herøy orienterte i sak 8 og 9, Elin Skråmestø Hinriksson orienterte i sak 8, møtesekretær Arthur Kleiveland

Underskrifter:

Jannicke Helland
leiar

møtesekretær

Sakliste

Saknr	Tittel
006/2018	Godkjenning av innkalling og sakliste
007/2018	Godkjenning av møtebok
008/2018	Meldingar og referatsaker
009/2018	Høyring - Kommunedelplan helse, sosial og omsorg 2018-2028
010/2018	Høyring - Plansak - detaljregulering Mangervåg kloakkanlegg

Radøy kommune

Saksframlegg

Saknr	Utval	Type	Dato
006/2018	Råd for menneske med nedsett funksjonsevne	PS	30.04.2018

Sakshandsamar	Arkivsaknr.:	Dokumentnr.:
Arthur Kleiveland	18/1089	18/6248

Godkjenning av innkalling og saksliste

Saksopplysingar:

Innkalling og saksliste vert godkjend.

Råd for menneske med nedsett funksjonsevne - 006/2018

RMNF - handsaming:

Rådet godkjende innkalling og saksliste.

RMNF - vedtak:

Innkalling og saksliste vert godkjend.

Radøy kommune

Saksframlegg

Saknr	Utval	Type	Dato
007/2018	Råd for menneske med nedsett funksjonsevne	PS	30.04.2018

Sakshandsamar	Arkivsaknr.:	Dokumentnr.:
Arthur Kleiveland	18/1089	18/6243

Godkjenning av møtebok

Saksopplysingar:

Møtebok vert godkjend

Råd for menneske med nedsett funksjonsevne - 007/2018

RMNF - handsaming:

Rådet godkjende møtebok.

RMNF - vedtak:

Møtebok vert godkjend

Vedlegg:

Møtebok RMNF 15_februar 2018

Radøy kommune

Saksframlegg

Saknr	Utval	Type	Dato
008/2018	Råd for menneske med nedsett funksjonsevne	PS	30.04.2018

Sakshandsamar	Arkivsaknr.:	Dokumentnr.:
Arthur Kleiveland	18/1089	18/6246

Meldingar og referatsaker

Saksopplysingar:

Det vert lagt fram følgjande meldingar og referatsaker:

a. Omsorgsteknologi: orientering v/kommunalsjef Grete Herøy

Framlegg til vedtak:

Meldingar og referatsaker vert tekne til orientering

Råd for menneske med nedsett funksjonsevne - 008/2018

RMNF - handsaming:

Bustadsosial handlingsplan: Kommunalsjef Grete Herøy og ruskoordinator Elin Skråmestø Hinriksson orienterte om arbeidet med bustadsosial handlingsplan. Herøy sa at kommunen med denne planen skal ha ein strategi for å leggja til rette for eit godt butilbod til ulike grupper - både eldre, dei som slit med rus, psykiatri, menneske med nedsett funksjonsevne, og dei som har store økonomiske utfordringar.

Rådet for menneske med nedsett funksjonsevne konkluderte med at det er gjort eit godt arbeid med bustadsosial handlingsplan.

Velferdsteknologi: Kommunalsjef Grete Herøy orienterte om arbeidet med å utvikla velferdsteknologi. Nye tryggleiksalarmar er det første tiltaket som vert sett i verk, og det vil etter kvart også bli installert ulike former for sensorar (t.d. dørsensor, fallsensor) hjå heimebuande eldre og andre med hjelpebehov. Kommunalsjefen understreka at det vil bli gitt grundig opplæring i bruk av dei ulike hjelpemidlane. Det vil bli informert om tilboda innan velferdsteknologi både på heimeside og i brev til den enkelte brukar. Kommunalsjefen sa at det blir gjort ein individuell samtale med den enkelte for å avklara kva som kan vera aktuelt og nyttig å ta i bruk. Dei første tiltaka vert sett i drift i løpet av hausten.

SFO-BETALING: Foreldre til barn med nedsett funksjonsevne har sendt søknad til kommunen om fritak frå foreldrebetalning for SFO på 5.-7. klassetrinn. Kommunen tilbyr i dag SFO for alle barn på 1.-4. trinn, og for barn med nedsett funksjonsevne også på 5.-7. trinn - og foreldrebetalinga er 3000 kroner for alle. I brevet vert det peika på at denne særavgifta for foreldre med barn med nedsett funksjonsevne vil koma på ca 100.000 kroner per barn i desse tre åra. Dette er ein meirkostnad foreldra til barn i 5.-7. trinn føler er sterkt urettferdig. Dei viser til at foreldre med funksjonsfriske barn ikkje vil ha denne kostnaden. Dei spør difor om fritak for foreldrebetalning for SFO på 5.-7. trinn for barn med nedsett funksjonsevne frå komande skuleår.

Medlemene i rådet hadde fått tilsendt brevet dagen før møtet.

Etter drøfting i rådet vart det sett fram følgjande framlegg:

Rådet oppmodar kommunen om å innvilga søknaden om fritak for foreldrebetaling i SFO for barn med nedsett funksjonsevne i 5.-7. trinn. På generelt grunnlag meiner rådet at det ikkje skal krevjast foreldrebetaling for SFO-tilbod til barn med nedsett funksjonsevne på 5.-7. trinn.

Rådet slutta samrøystes opp om framlegget sett fram i møtet.

Aktivitetstilbod - oppmoding frå forelder: Leiar i råd for menneske med nedsett funksjonsevne la fram eit brev frå ein forelder som etterlyser aktivitetstilbod til ein gut med nedsett funksjonsevne. I brevet, som er sendt til Manger Idrettslag, vert det peika på at det finst mange barn som føler dei ikkje passar inn i den vanlege organiserte idretten. Kva med å få til eit tilbod med allidrett eller liknande, som kan vera eit særtilbod for desse barna? blir det spurt i brevet.

Rådet for menneske med nedsett funksjonsevne ser eit klart behov for å få etablert tilbod for å aktivisera dei barna som fell utanfor dei ordinære tilboda. Ulike tilbod vart drøfta, mellom anna vart det trekt fram at idrettslaget kan få økonomisk godtgjersle for å stilla med fritids-/treningskontaktar. Rådet meiner også dette kan vera ei oppgåve som ungdomar kan bidra med. Rådet meiner det gjerne bør inviterast til eit orienteringsmøte med foreldre, idrettslaga og kommunen.

I første omgang konkluderte rådet med å senda eit brev til idrettsrådet og ungdomsrådet med spørsmål om kva tilbod dei eventuelt kan vera med og etablera for den aktuelle gruppa.

P-plassar: Johannes Kolås tok opp utfordringa med tilgjengelege parkeringsplassar for gjestar ved rådhuset. Han meiner det bør etablerast enkelte P-plassar øyremerkt gjestar på framsida av rådhuset.

Rådet peika også på behovet for handicap-parkering ved offentlege bygg, og viste til at desse plassane til tider kan vera okkuperte av folk som ikkje har rett til å bruka desse plassane.

Dørrar i Radøyhallen: Leiar i rådet for menneske med nedsett funksjonsevne, Jannicke Helland, reiste spørsmål om fargebruk ved oppgraderinga i Radøyhallen. Ho peika at synshemma kan oppfatta det som at fargane på dørrar og veggjar går i eitt, noko som kan skapa problem med å ta seg fram på eiga hand i hallen. Rådet oppmodar kommunen om å gjera noko med dette, og på ein tydeleg måte å markera kvar dørrane er.

Rådet for menneske med nedsett funksjonsevne tok meldingar og referatsaker til orientering, med tillegg som vart sett fram i møtet.

RMNF - vedtak:

Meldingar og referatsaker vert tekne til orientering.

Radøy kommune

Saksframlegg

Saknr	Utval	Type	Dato
009/2018	Råd for menneske med nedsett funksjonsevne	PS	30.04.2018

Sakshandsamar	Arkivsaknr.:	Dokumentnr.:
Grete Algrøy Herøy	18/1078	18/6212

Høyring - Kommunedelplan helse, sosial og omsorg 2018-2028

Saksopplysingar:

Bakgrunn

I kommunal planstrategi for 2016-2019 er det lagt til grunn at det skal utarbeidast kommunedelplan for helse og omsorg. Etter gjeldande retningslinjer vart det (i F sak 45/2017 1.6.2107– K sak 29/17 15.6.2017) vedteke planprogram for arbeidet. RO senteret (ressursenteret for omstilling) har vore konsulent i planarbeidet som starta opp 5.januar 2018. Det vart då arbeidd intenst med planen gjennom fleire heildagsmøter (6. og 7. februar) , og deretter følgd opp med lokale arbeidsøkter 8. og 21. mars. Alle einingsleiarar for tenester under helse og omsorg har medverka i prosessen. Hovudtillitsvald for Fagforbundet har delteke i arbeidet. I perioden med arbeid med planen, har det vore skifte i stillinga som kommunalsjef.

Vurdering:

Helse og omsorg er eit komplekst tenesteområde, men mange brukarar i alle aldrar og med eit utall av oppgåver som skal løysast heile døgnet, heile året. Som det går fram av planen er det ei rekkje lover, stortingsmeldingar og planar som ligg til grunn for arbeidet som kommunane skal utføra.

Utviklinga går raskt og brukarmassen er i endring. Det er mange krav både frå brukarar, pårørande og tilsette som til saman skal sikra eit så godt liv som råd for dei innbyggjarane som treng det. Planen prøver å fange opp og gje svar på ein del av dei problemstillingar som ligg i framtida.

Ein sentral målsetjing er at ingen avgjerd skal bli teken utan at brukaren sjølv er involvert. Som tenesteytar er motto at ein alltid skal sjå det mogelege i situasjonen. Det er ingen revolusjon i dette, men det er ei tydeleggjering av brukarperspektivet og målet om at alle situasjonar kan løysast. Nokre gonger tek det meir tid og ressursar enn ein er budd på. Likeeins er begrepet saumlause tenester blitt brukt fleire gonger, noko som indikerer at ein så langt det er råd ser over vanlege opptrakka grenser mellom tenestene og ser på mulige løysingar saman og på tvers av avdelingar når det er tenleg og mogeleg.

Dei sentrale omgrepa i planen er:

- o Auka satsing på folkehelse/forebygging, tidleg innsats og aktiv omsorg.

- o All tenesteutøving skal støtta opp under brukar og pasientane sine egne ressursar, kvardagsmeistring – hjelp til sjølvhjelp.
- o Yta tenester etter beste effektive omsorgsnivå (BEON-prinsippet).
- o Satsa på kvalitetsutvikling, kompetanse, rekruttering og halda på medarbeidarar.
 - o Gjennomgang av rutinar og system for tildeling av tenester for å sikra ein heilskapleg praksis for vurdering og tildeling.
- o God informasjon og kommunikasjon om tenestetilbodet.
 - o Etablera ein «saumlaus» praksis mellom einingane der dette er nødvendig. Gjeld på system- og individnivå.
- o Etablera eit gjensidig godt samarbeid med frivillige og næringslivet.
- o Etablera ei forståing for at kontinuerleg utvikling / forbedring er nødvendig

Kva er viktig eller viktigast i Radøy framover:

Samla er dei mest sentrale utfordringane i dei 4 første åra i planperioden (ikkje i prioritert rekkefølge) :

- Leder-medarbeiderskap
- Ansvarleggjering – ansvar for eget liv
- Politisk «ryggdekning»
- Individuelt tilrettelagte tenester, kompetanse og samhandling
- Ta i bruk velferds- og smartteknologi
- Redusere sjukefråværet
- Turnover
- Heil-deltid, rekruttering
- Fastlegeordninga

I 8 års perioden:

- Rekruttering
- Sikre tilgang på nødvendig kompetanse
- Tilgang til «like» tjenester i Alver kommune

Strategiar for å nå måla:

Det er lista opp 9 område som satsingsområde i planperioden. Mykje av dette gjer ein alt i dag, men det er nødvendig å framleis styrka desse områda. Kvart av områda er nærare omtala og utdjupa i planen.

1. Førebygging
2. Tidleg innsats
3. Kvardagsmeistring
4. Frivillig arbeid
5. Velferdsteknologi
6. Innovasjon
7. Kompetanse
8. Rekruttering
9. Omdømme

Av handlingsplanen (sist i dokumentet) er tiltak lista opp under kvar sin kategori med ansvar og

økonomi plassert slik ein planlegg å løysa dei problemstillingane som er kome opp.

Mange av tiltaka skal gjerast innanfor eksisterande rammer, nokre har mindre økonomiske konsekvensar og nokre er MÅ oppgåver som m.a. kjem som følgje av endringar i lov/forskrift. I Primærhelsemeldinga er det slått fast at kommunane har ansvar for å ha kommunale ergoterapeutar med verknad frå 2020. Det er ei ny oppgåve som det er lagt inn pengar til i handlingsplanen alt i 2019, for å koma i gang snarast råd. Velferdsteknologi er ei stor satsing som går vidare inn i åra som kjem. Sentrale områda i planen er å behalda og utvikla vidare gode og saumlause tenester og vera framtidsretta i bruk av velferdsteknologi.

Folkehelse: Denne planen har mykje folkehelse i seg. Her er det i større grad enn før, lagt vekt på både godt førebyggingsarbeid og på det ansvaret den einskilde har for å ivareta egne funksjonar så godt som råd og så lenge som råd.

Økonomi: Planen har økonomiske konsekvensar over mange år. Målet er at dei tiltaka som er lista opp i handlingsplanen sin økonomidel vert tekne med vidare inn i kommunen sin økonomiplan for dei komande åra. For 2019 ser planen slik ut:

- Vidareføra friskliv- og mestringstilbod	kr 100.000
- Samlokalisere dag/aktivitetstilbod	kr 250.000
- Fødselsførebuande kurs	kr 50.000
- Tilbod om førebyggjande heimebesøk til eldre	kr 300.000
- Systematisk integrering av flyktningar	kr 650.000
- Oppfølging av personar med låg bukompetanse	kr.650.000
- Diverse kompetansetiltak	kr 120.000
- Heilskapleg organisering av rustenesta	kr 400.000
- Velferdsteknologi	kr 800.000
Ergoterapeut	kr 600.000

På punktet oppfølging av personar med låg bukompetanse er eit skrikande behov for snarleg tiltak, og her er det lagt inn pengar alt for inneverande år.

Konklusjon:

Delplanen har mange gode og store målsetjingar som krev ressursar på ulike område om vi skal lukkast i arbeidet med å ha ei framtidsretta, kompetent og brukartilpassa teneneste. Det er ei rekkje krav som skal innfriast og vi vil gjerne gje innbyggjarane gode tenester og dei tilsette gode arbeidsforhold for å utføra desse. Økonomi er avgjerande for at mange av tiltaka kan gjennomførast.

Formannskapet vedtok den 19.04.18 å leggje planen ut på høyring og råd for menneske med nedsett funksjonevne er høyringspart.

Framlegg til vedtak:

Saka vert lagt fram til drøfting, utan tilråding til vedtak.

Råd for menneske med nedsett funksjonsevne - 009/2018

RMNF - handsaming:

Kommunalsjef Grete Herøy orienterte om kommunedelplan for helse og omsorg. Ho peika på følgjande innsatsområde i handlingsplanen:

- Forebygging, tidleg innsats og kvardagsmeistring
- Frivilleg arbeid
- Innovasjon og velferdsteknologi
- Heilskaplege og saumlause tenester
- Rekruttering og kompetanse

Kommunalsjefen framheva at planen har fokus på forebygging. Mellom anna er det gjort framlegg om tilbod om forebyggjande heimebesøk til innbyggjarar over 70 år.

Systematisk integrering av flyktningar og oppfølging av personar med låg bukompetanse, velferdsteknologi, kompetanseheving og ergoterapeut er andre viktige tiltak i planen.

Kommunalsjefen peika på utfordringar knytt til tal yrkesaktive i høve tal forventta behov for bistand. Rekruttering og kompetanse er også ein del av utfordringsbiletet.

Kommunalsjefen viste til at Radøy har redusert netto driftsutgifter innan forebygging, helsestasjons- og skulehelseteneste, diagnose, behandling, re-/habilitering og anna forebyggjande helsearbeid samanlikna for tre år sidan. Driftsutgiftene er lågare enn gjennomsnittet i K10-gruppa.

Driftsutgifter til diagnose, behandling og rehabilitering har auka (og ligg over K10).

Kommunalsjefen peika også på at netto driftsutgifter til sosialtenesta pr. innbyggjar har gått opp i perioden 2015 til 2016, og er høgare enn i dei andre kommunane i samanlikninga.

Råda understreka at det er viktig at det vert bygd opp tverrfagleg kompetanse utover pleie og omsorg, slik at ein kan vere ein ressurs med tanke på tilrettelegging for heimebuande.

Tilbod om førebyggjande heimebesøk til innbyggjarar over 70 vart helsa velkomen, og det er viktig at denne gjev god og grunnleggjande informasjon. For råda er brukarmedverknad eit viktig element og den enkelte må få påverka sin situasjon og få vere med å definere "kva som er greitt for meg".

Råda ser at einsemd er ein utfordring og er oppteken av at ein må ha dette med seg når ein arbeidar inn velferdsteknologiske løysingar.

Råd for menneske med nedsett funksjonsevne konkluderte med at planen stettar behovet i planperioden og er dekkande for arbeidet inn i ny kommune tildet er lagt fram ein god plan og stiller seg bak framlegget til kommunedelplan for helse, sosial og omsorg.

RMNF - vedtak:

Rådet for menneske med nedsett funksjonsevne stiller seg bak framlegget til kommunedelplan for helse, sosial og omsorg 2018 – 2028.

Vedlegg:

Rapport Evaluering av helse- sosial og omsorgstjenesten i Radøy kommune 14.mars 2018
Kommunedelplan for helse og omsorg for 2018-2028

Radøy kommune

Saksframlegg

Saknr	Utval	Type	Dato
010/2018	Råd for menneske med nedsett funksjonsevne	PS	30.04.2018

Sakshandsamar	Arkivsaknr.:	Dokumentnr.:
Anne Dahle Austrheim	18/710	18/5859

Høyring - Plansak - detaljregulering Mangervåg kloakkanlegg

Saksopplysingar:

Bakgrunn

Saka gjeld detaljregulering for etablering av nytt kommunalt reinseanlegg på Mangersvåg kai. Grunnlaget for å etablere anlegget på Mangersvåg kai er gitt i Kommunedelplan for avløp for Radøy kommune, og vedtak i kommunestyret i sak 50/2016, jf. sak 20/2017. I sak 050/2016 vedtok kommunen at anlegget skulle byggjast som trykksilanlegg i området ved Mangersvåg kai.

Planarbeidet skal leggje til rette for å gjennomføra kommunestyret sine vedtak. Nytt reinseanlegg skal erstatte 3 etablerte kommunale slamavskiljarar, og vil gje høve til å rydde opp i private utslepp i området. Planforslaget vil ikkje endre etablerte rettstilhøve i området.

Planområdet omfattar del av etablert industriområde og tilstøytande areal ved Mangersvåg kai.

Nytt bygg for reinseanlegg blir etablert på eksisterande kai og industriområde. Eit mindre tilbygg/skur må rivast, medan resterande bygningsmasse i planområdet ikkje blir direkte påverka av planforslaget.

Forslagsstiller er Radøy kommune, Teknisk drift.

Vurdering

Rådmannen vurderer at planframlegget er godt gjennomarbeid og kommunestyret vedtok den 07.03.18 å leggja den ut til offentlig høyring og ettersyn. Planforslaget løyser naudsynt arealbruk for planlagt tiltak. Arealet som er sett av i planforslaget er knapt, men etter rådmannen si vurdering tilstrekkeleg for å kunne etablere reinseanlegg og tilhøyrande tekniske anlegg som t.d. pumpestasjon. Andre omsyn og verknaden av planframlegget er synleggjort og vurdert.

Konklusjon

Saka vert lagt fram for drøfting i råd for menneske med nedsett funksjonsevne.

Råd for menneske med nedsett funksjonsevne - 010/2018

RMNF - handsaming:

Saka vart drøfta og det vart vist til det grundige arbeidet som har vore gjort både administrativt og politisk for å få på plass planen for Mangersvåg kloakkanlegg.

Rådet for menneske med nedsett funksjonsevne har ingen merknader til planen.

RMNF - vedtak:

Rådet for menneske med nedsett funksjonsevne har ingen merknader til planen.

Vedlegg:

Plansak 12602017000600 - Detaljregulering - Mangervåg kloakkanlegg - varsel(1)

Vedtak om høyring

Føresegner

Plankart

Planskildring

ROS-analyse